




Danny Koolman, ex Rey di Tumba ta señalá: “Le Porche” a habri oficialmente

Danny Koolman no mester di hopi introducion, di djis e lista larguisimo di logronan den festival di Tumba cu su composicion, areglo y participacion ta bisa mas hopi mes. Manera ta tradicion despues di e dianan di Pasco ta dia pa lora manga di caminsa habri un par di boton, conecta e piano, prepara hopi papel y pen p’asina e inspiracion cuminsa drenta dor di su porche di cas. El a yama ‘Le Porche’ manera e lo yama esaki na un castiyo ya cu na su casa ta sali minimo finalista, no solamente aki na Aruba pero na Corsow tambe. Na Aruba chikito y grandi ta para den rij pa nan wordo yuda pa Danny, te hasta e ta wordo reserva lunanan prome cu e temporada di carnaval y te hasta un aña anticipa. Un cos si nos sa, cu Danny mes a bisa nos esaki “Prepara ta ora pa mi saca mi arma secreto” cu esaki e kiermen un di su cantantenan cu ta bao di su hala, un cantante hoben cu e lo bay expone den tur tres festival y ta wordo specula di pone participa na Corsow tambe.

Danny ora e ta keda asina aki y cu bo no ta wak’e mucho rond plus c’un cara serio bo por spera un solo cos, sorpresa, un cañonazo di tema participante. Su arma secreto ta un di su potencial vocalnan cu el a bin ta expone caba den e banda hubenil Next Level cu ta mustra di ta bek den contienda p’e temporada cu ta start otro siman, pero esaki si nos no por a haya nada concreto si. Di otro banda un par di siman atras a yega na nos cu ya caba diferente di e integrantenan a wordo acerca p’asina ensambla e banda y bay ‘all out’ cu tema promocional y tur. Con esaki ta hinka den otro esey si no a wordo divulga, pero e no ta relevante tampoco. Loke ta conta ta cu Danny tin ‘Plannan brabo manera toro’ p’e temporada di carnaval; con leu e lo ta pa manda 2 composicion n’e festival di Tumba Corsow tampoco no ta conoci, un cos si ta sigur cu “Le Porche” a habri y el a cuminsa traha riba su composicion y areglonan. Pasobra esun cu lanta tempran ta bebe awa limpi.



Riba e foto di archivo aki nos ta ilustra Danny Koolman para completamente na man drechi den final di Tumba na Aruba despues di pone su tras un otro logro cu’n gran streya tras du su nomber.



Danny Koolman su arma secreto t’e latentso hobencito vocalista ‘Buddy’ cu den e temporada di fin di aña tambe a demostra di por domina e ambiente di aguinaldo/gaita cu e grupo Autentico cu clase cu su tema Parang-da.



Aki nos ta ilustra un parti di tur su logronan obteni cu su talento como musico, areglista, compositor y cantante. Danny Koolman un gran persona cu ta masha directo cu loke e kier, c’un disciplina pa su musica y forma di presenta esaki.